

ПОШТАРИНА ПЛАЋЕНА У ГОТОВОМ

НОВИ РУСКИ НОВИНИ

ЗА РУСИНОХ У КРАЉОВИНИ СХС

Виходза раз у тижню.
Цена на цали рок 100 Динари.
На 1/2 рока 50 Динари.
За Америку 4 долари на рок
Рукописи и други писма треба
посилац на адресу:
„РУСКИ НОВИНИ“ НОВИ САД
Бојовићева улица број 2.
Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).



Рок IV. | Нови Сад, пяток 25. новембар 1927. | Ч. 46 (153)

Наш школски вопрос

I.

Баш тераз читам у новинох, же у країни Истри, дзе биваю у велькей векшини Словенци и Хорвати, а тота країня подпадла под Италию, — було пред войну 222 народни школи и 328 класи (славянски). Мали тоти нашо браца и стредні школи (гимназиї, препарандиї, граждански школи). То шицко отримовали вони зос своїм пенежом, а браца их зос Хорватскей подпомагали. Нешка под талианьску управу — утрацели шицки свойо школи; талианьска власц не допушце, да им ані други браца славянски помагаю у их народней просвити.

У Истри ест Славянох коло 300.000, а индзей (Корушка) коло 400.000. То значи препасц того народу.

Кельо тоти нашо браца страдаю, то ми южни Русини похопиц не можеме, бо ми и пред войну векшу шлебоду мали, як вони тераз, а тераз ми маме и могли би зме уживац подполну шлебоду нашей рускей нациї, бо нам то закон нашого отечества утвердзел.

Ми у нашей держави не „манїна“ (так волаю неславяпьски нациї), ми свойо у власней нашей держави и вше зме длужни припознац брацом Сербом, Хорватом и Словенцом верхносц, але вони ше нам радуо и цеша каждому нашому культурному-просвитному успиху.

Правда, же од часу ошлебодзння велї панове, котри ані того мено не заслугую, барз вельо начкодзели нашому народови, нас Русинох квилєли дзе лем могли. Але то людзе, цо лем за своїм заробком, грайцаром ишли.

Були, та пошли. Нешка их уж лем людзе, цо ше

спреведли з нїма споминаю. Були и медзи нашим народом вироци, цо плювали на свою святиню. Але то уж шицко знаме, же ше и нам треба о нас остарац, а то нїхто не зроби, кед ше ми сами о тим не остараме.

Каждого народу е главни вопрос його просвита и старанє о тим, да посцигне достойне место медзи просвитними народами. То и каждого Русина главне правило ма буц: не лем вше стару приповедки коньчиц: чом то так лебо так, — але ше змагаїме, да будзе не лем иньшак, але баш так як треба, а то е циль нашого РНПД-а, котре лем на то поволане да заступа културни интереси-потреби нашого руского-народу.

На жаль, ище вше велї не можу похопиц и полюбиц свойо, бо початок РНПД-а бул зос Дюрдьова, котри е еден од найновших руских населеньох, а стредок-центрум му найстарше и найвекше населене Р. Керестур. Кажди, хто зна и сце здраво-думац, легко похопи, же то так и спада, бо би иньшаки темель нашей просвити будовани бул на писку.

Врацме ше на наш школски вопрос. До пред войну мали зме у каждим нашим валале своїх учительох, гоч вони вшадзи не могли учиц дзеци лем по руски, бо мушел вецей учиц державни хорватски лебо мадярски язык. Ипак зме мали своих учительох, котри дзеци нашо найнужднейше научели и по руски.

Нешка крем Керестура и Коцура нема ані еден наш валал, дзе би довольно було наших учительох, абд як то званично волаю „оделеня“ (Вербас, Дюрдьов и цали Срим), а найвече й во-

пце не маю руских учительох (Пекла и Била пустиня, Н. Сад, Митровица, Бачинци, Шид, Дол, Раевосело, Пишкоревци и Андравици).

Русини! Чи не видзице яки ше нам фришки гроб гочуе?! Бо кажди народ зос школу рошине и на-

предуе, а без школи препада, гине и вимера. Прецо Талиане зотарли словенски школи? Циль ясна: да их поталианя, да их не стане як славянох.

То и нас чека, кед ше о себе сами не остараме! Б.

У нашим отечеству

Законодавна работа

Засиданїе министрох приїло предложєне бюджета за рок 1928/29 ведно зос финансовим законом. Исто так предложени нови порційови закон и одредзено, да ше вон дораз предложени и пред парламент. Исто так приято предложєне министра правди, да ше поновно организуе судовництво. И закон, котри вязал явних новтарушох (кральских) у Войводини и Хорватскей прецагне ше на цалу жем.

Висельоване зос нашей жеми

У тим року виселєло ше до тераз 10.696 особи цо виношє за 1388 вецей як прешлого року. Найвечеї ше виселєло до Канади а вец до Аргентини. Врацело ше до старого краю 1898 особи.

Бомби на железней драги

Недалеко од Скопља поставили в недзелю в ноци болгарски комити 3 машини зос бомбами на железней драги гу Куманову. Вони думали, же так руца до воздуха особи воз котри мал надийсц. Медзитим надийшол терховни воз и перша бомба експлодирала, але не спричинела векшей чкоди. Пренайдзени ище два бомби, котри не експлодирали.

Засиданїе производителюх цукровой цвикли

Прешлого тижня отримало удруженє производителюх цукровой цвикли у Сомборе засиданїе, на котрим ше радзели на яки способ би ше могли зачувац од вихаснованя удруженых фабрикох. Того року цу-

крово фабрики зменьшали зашцени цукровой цвикли. Ствар приявена министерї польопривреди.

Автомобилске нещесце

При Београду автомобил инвалида Душича виврацел ше до 8 метри глибокей ями. Троне путнїки ше барз побили а сам властитель остал здрави гоч ше автомобил даскельо раз преврацел.

Правели криви пасоши

Тих дньох открила ше една цала организациа неваляних людзох, котри предавали криви пасуши нашим людзом и посилали их до южней Америки. Худобни людзе заплацовали за тоти пасуши по 10.000 динари.

Нови лїк процив маларии

До министерї народного здравья приявел ше бувши руски индустриалец Мамонтов и виявел, же вон зна добри лїк процив маларии, бо вон сам себе вилчел и спробовал го и на других людзох. Вон тот лїк сам винашол и придава го министерї, же би и другим помог. Лїк преучую дохторе.

Спреведзени садителе хмеля

Тогорочни хмель слабо зродзел, а томе виновата у першим шоре велька суша а вец червени хробак. Крем того и цена му барз спадла. При хмелярошох появили ше агенти, котри им понукали, же вони наш хмель пренєшу до Баварии и Ческей, и же го там предаю по векшей цени. За тоту свою роботу пи-

тали 600 дин. провизії по єдиним метеру. Кед ше вежне, же вони плацели и царину дас 240 дин. по метеру, заробели 360 дин. Тим агентом пошло за руку, же вивезли 135 вагони хмеля и при тим заробели вецей як 4 миліони дин. Садителє хмелю були прешведчени, же агенти добре хмель предаю. Медзитим приходза висти, же за наш хмель даваю лєм 1200 до 1400 дин, бо домашні їх хмеляроше удружени и не допушюу наш хмель на предаї. Кед ше вежне, же при нас плацаю найгорши квалитет 3.500 дин., то нашо садителє хмеля барз спредзени. Министерія тарговини вжала ствар до рук и вислала свойого стручняка до иноземства да утвердзи, чи то наисце так.

Фабрика цукру у Ст. Сивцу

Фабрика цукру у Ст. Сивцу застановела свою роботу, док

ше не вияшні афера, хто виновати, же настал огонь, и док ше машини не релерираю. По контракту медзи фабрику и тим, котри сазда цвиклу, требало ше лифєровац 1600 вагони цвикли. Прето фабрика предала 200 вагони цвикли другим фабриком и так садителє не буду ніч чкодовац.

Наш преосв. Владика Діонизий

Тих дньох одпутовал наш преосвященіи владика Діонизий до Галиції, Там будзе участвовац при засиданіох, котри нашо греко-кат. владикове отримую у Львовє.

Ювильє Суботици

В недзелю прєслави варош Суботица 400 рочніцу свойого основаня. На торжєству його Вел. Краля будзе заступовац княз Павло.

Симон Петлюра

Прєшлого року 1926. 25. мая забил на уліци Паризу Жид Шварцбарт Симона Петлюру, хтори бул 1919. р. и 1920. р. председатель влади Україньскей Народней Републики и ведно глава української армії.

Тих дньох бул процес у Паризу процив згаданого убийника Шварцбарта. За тот процес интересовал ше, мож повесц, цали швет, цала шветска явност и преса (штампа). На процесу були присутни сотки новинских дописників.

Шварцбарта бранел адвокат Торрес, жид - комунист, а родзину забитого отамана Петлюри заступал адвокат Кампинши. Тужба представляла от. Петлюру як велького українского патриота, хторі ше змагал вибориц сталну самостойнось українському народови, але тиж доказал ділами, же да

и други народносци, хтори жию на Україні буду задовољни, а медзи німа и Жидзи. Доказом того ест, же у влади от. Петлюри бул еден министр Жид.

Шварцбарта тужба представляла як агента большевицкого, а крем того як обичного злодія, хтори за влом и крадеж одшєдзел у своїм времену у Бечу у арешту 4 мешаца.

На процесу указало ше, же Шварцбарт ше радує, же забил Петлюру, же Шварцбарт большевик, агент московскей чеки. Шварцбарт твердзел, же забил от. Петлюру, да ше вимсци за погроми Жидох за време влади от. Петлюри. Але велько шведкох доказали, же отаман Петлюра не бул виновати за поедини случаї убийствох Жидох, але дапаче от. Петлюра вше оштро виступовал у каждым случаю и шмерцу

карал каждый пропуст (у Прєскурову покарал шмерцу команданта места, хтори не запречел виступленє проци Жидох). Указало ше далєй на процесу, же от. Петлюра бул Жидом склони, и да не було от. Петлюри, то не даскельо Жидох, але сотки тисячи Жидох було би загинуло.

Доказано, же Шварцбарт забил отамана Петлюру як агент большевицкей чеки, прето, бо з приходом маршала Пилсудского на владу у Польскей большевики бали ше, же Пилсудски поможе от. Петлюри войсц на Україну и одтамадз большевицкох вируци, то зато большевики послали Шварцбарта, да убє от. Петлюру.

Место, да убийник Шварцбарт добиє заслужену кару, париски присяжни судїи єдно-

гласно виявели: „виявлюєме по нашей совисти и ошведочени пред Богом, же оскаржени Шварцбарт невиновати.“ Тим виноком убийник Шварцбарт зостал ошлєбодзени.

Руски большевици вельо злата далї адвокату Торресу и вєлім шведком (Жидом), да шведоча проци от. Петлюри, як пишу сами французски новини.

И так покойни отаман Петлюра вошол славно як благородни, вельки патриота до историї України, а Жидзи викопали сами вельку препасц медзи собу и Українцями.

Треба спомнуц, же швет, хтори до тєраз мало знал за Українцох, тєраз баржей нас упознал. Но то познаниє искуплєно сос вельку жертву.

К.

ШИРОМ ШВЕТА

Чудни „млодята“

Свитови новини недавно писали, же шефра бувшого цара Вилма, котрей 62 роки одава ше за єдиног Руса, котрому 23 роки. Медзитим ище векшаразлика у рокох находзи ше при єдней пари у Англії. Младому Клемону Битон тєраз 18 роки а його „млодеї“ 77 роки. На дзєнь винчаня при церкви дочекало их вельо швета, котри з „млодятах“ робел шмих.

Велька оставщина

Пред 90 роками виселєл ше єден землєдєлец на мєно Брандт зос Саксонїї до Холандїї, и там приобрил вельки маєток, Вон умар пред 30 роками и зохабел маєток од 2470 миліони динара. Суд глєдал наслєдникох и нашол их у Саксонїї. Дас 500 фамелїї маю право на наслєдїє. Холандийска влада виявєла, же им маєток подзелї, кєд постаню холандийски граждєнє. Тєраз ше им треба од-

рекнуц Нємецкого гражданства а прїяц холандийске. Не будзе им а ні чєжко.

Шверцовал діаманти

Американьски власци влапєли елєктричара Ламота котри шверцовал діаманти зос Африки. Званїчником видзєла ше сумнїва фурма його цєпєлох. И кєд ше вон мушел зобуц, нашли у цїпєлох діаманти у вредносци од 100 миліони долари.

Комунисти у Турскей

Турска полиція винашла вельку організацію комунистох, Водя тєй організації осудзєни на 15 роки цємнїци и влєпени у Цариграду.

Талїанє процив нас

З нагоди пакта прїятельства медзи нашу державу и Фран-

ФЕЛЬТОН

Янкова коза.

Єдног пондзелку рано рушел сом ше на польо. Дзєнь ше указовал красни: бо хмарох не було, а слунко крашне виходзєло. Я ишол и розматрал сом красну природу, и нараз чуєм. Дай Боже добре рано! — Огляднем ше и видзим за собу человека, хтори идзе тиж на польо: „Дай Боже и вам, добри чловєчє“ — одвитуєм. Пошли зме ведно, бєшєдуєщи о вшєлїяких стварох. Придзє ми до глави, и гварим тому чловєкови: Кєд би сє ше не погнївали, я би вас модлєл, да ми виприповєдацє, о тєй кози вашого сушєда Янка, цо то зос нїбуло? — Та кєд так, та вам можєм виприповєдац, даклєм слухайцє... — Слухам... —

— „Було то 1923, кєд давали у каждым валалє худобним порти, (мєсто за хижи), та и мой сушєд Янко достал. И од того часу, як худобни чловєк, садзел до нєї цо требало за обисцє: кромплї, цибулю, шалату и т. д., а иншак бул бирєш на салашу. Пошол мой сушєд и того року пред Вєльку ноцу зос жену Мєлану насадзиц до порти. Пасльї там сушєдово кози. То ше им барз попачєло. И кєд ишли на салаш кумов, дзє були бирєшє, розгваряли ше медзи соби. Сушєд Янко гвари — знаш цо, жєно: „Я надумал, да и ми купимє козу“. — „Добре би то було, да жєнє“, бо гуторя, же коза ма 6 лєбо и 8 литри млєка; та би було досц за обисцє, а и масла би було, купцє Янку“. — „А хтору би ши жєно сцєла, чи тору билу, чи таркасту, билу

кошта 400 динари, а таркаста лєм 300 — „Та кєд так, та добра и таркаста“, гвари жєна, и стим дошли на салаш.

— Кєд дошли до двора, гвари сушєда Мєлана дзєвкє своєї: Ганьчо, зберайше до валалу, та питай пожичиц 300 динари, повєдз, же сцємє козу купиц. И пошла Ганьча, принєсла пєнєжи. Сушєд и сушєда пошли по козу. Вон козу ведол, а вона кожчє, (бо коза мала и кожчє) и у бєшєди гваря сушєдзи, — хочби нє мала лєм 5 литри млєка, та и так добре. — Кєд ше поврацєли, дзєци их радосно дочєкали, а и сама сушєда Мєлана ше ошмихла и гутори, но дзєци будзє млєка, Сєнко, Амалко, будзєцє мєча?

— А коза, кєд обачєла, красну траву, барз ше зрадовала, думала сєбє, — тєраз я будзєм добре жиц,

не будзєм глєдовац. — А сушєд Янко, першу бригу мал, одлучиц кожчє, да видзи кєльо будзє млєка. — И увидзєло ше. Коза мала 1/2 литри на дзєнь.

— Алє нє так то ше стало, док сєбє коза раховала, же будзє на трави пасц, бо вона на тєй трави нє остала лєм 3 тижнї. Сушєд Янко вишол зос салашу до валалу, та вжал зос собу козу и кожчє. Алє у валалє, ту уж кози иншак було, ту нє було трави, да пашє, ту ше кози обрацєло на зло.

Накєди ю привєд сушєд до валалу, такої ю привязал гу процу до гумна на слунко, бо зос хлїва би требало гной руцац. Думала коза, цо то зомну? жє я ту на слунку, глєдужєм, и смиядужєм! Чи газда за мнє забул, чи цо на швєцє? И почала сєгинь коза бєчиц, да учужє газда,

пуску, у całej Италиї започали протести против нас и Французох. Италија ше гніва, же зос тям пактом вона страцела свой вплив на Балкану. У будуще ей не будзе так легко подкоповац нашу державу.

Вельке нещесце у Америки

У варошу Питсбург кед оправляли посуду за гаси, пришло до експлозії. Шицки хижки у околїни звалени. Пре то попукали водоводни циви и вода на метер високо заляла под рушевиными 480 особи. Чкода ше рахуе на вецей миліони долари.

Обешел ше вода руских комунистох

Еден од познатих водьох и помочникох Ленїна на мено Йоф обешел ше. На його погребу отримал бешеду жид Троцки и гварел, же Йоф бул вирни науки Ленїна а нешкайши управителе Русії одступели од правей науки комунистох.

Як у перши вики християнства

Церква катол. у Мексику доживлюе чежки часи ягод у перши вики християнства. Пре тоти чежки обставини допуцел св. Отец шицким священиком у Мексику, же можу служиц св. службу Богу на каждам месце и у кажду годину и без церковних ризох и без шветла Крем того допуцел, да и кажди цивил можє ше сам запричасниц а так исто и св. причасц однесц гу хорим.

У Япану запровадзую латински букви

Япански професоре иду за тим, да ше запровадза латински букви место дотеразшних япанских. Япанци тераз муша учиц читац 5 роки, а кед би

та ей да есц. Газда боме не чул, бо вон як нови сушед, ходзел по сушедох кажди дзень, од рана до вечара, да ше скорей розпозна, а сегинь коза вше на слунку, чи ей да хто да есц, чи не. — Кед була гладна, та зато бечела, але кед газда учул, же бечи йому вецей не требало. Знаш, козо, не беч, бо кед це ніхто не забил, я це забиєм. — „Талем не лярмайце, да людзе слухаю“, гвари му жена, и вон послушал и уцихнул.

Раз була барз гладна и почала бечиц. Газда учул, скочи и гвари: — Знаш не беч, бо кед це я вдерим, та ци дораз гуя! — Не лярмайце, а дайце ей есц та не будзе бечиц, гвари му жена, ша и ви би бечели, да сце нешка не едли. — „Цихо будз и ти, дай ти ей есц, шак ти сце-

През жиму читайце: РУСКИ НАРОДНИ ПИСНІ! Мож достац у каждам парохиялним званию за цену од 10 Дин.

мали латински букви не требали би вецей як еден рок.

Англія и католичество

Найновша статистика Англиї указуе, же у остатніх роках ступело до католическей Церрви 50.000 зос лутеранскей вири.

И жени пойду на фронт

Большевицкїй воєни комесар Ворошилов тримал у Москви бешеду, у котрей виявел,

же у случаю слїдующей войни шицки комунистички жени муша пойсц до фронту ведно зос хлопами.

Од кеди большевици паную у Русії жени ше дали на пьянство.

Мисийни институт у Риму

Катол. церква ма на швецє 50.000 мисіонарох, од котрих ест вельо учених природознацох. Вони свойо искусствїя маю явлац до Риму дзе будзе найвекше наукове заведенє зглядом на мисийону працу.

Зос наших валалох

Дюрдьов

Конкурс на дзіяка

Од 1. януара 1928. р. будзе ше у Дюрдьове попольновац место церк. дзіяка. Хто дума компетирац на то место треба да ше до 11. децембра т. р. писмено яви гр. кат. парохиялном уряду у Дюрдьове. Плаца дзіякова остава иста як до тераз и под истима условїями а избрани дзіяк

муши ше постарац и о способного подзіяка. Дзіякови припада и красни новозбудовани квартал. Дотерашня плаца дзіякова виношела 5 кг жита по брачней парі там дзе нет жеми, а 7½ кг по пари там дзе ест жеми но ипаки церкв одбор затримує себе мимо того конкурсу право, да ше зос дзіяком према своей увидявности поєдна. Потребни информация дава парохія.

ла, да ю купиме.

Сушеда Мелана войдзє нука и гвари Ганчи: Идз дай кози есц, бо видзиш, же оцови не брига. —

— Ганьча, хтора була така як и оец, пошла нагнівано и руцела ей конар зоз багрени, хтори вноци буря одламала. Коза престала бечиц, и престал ше сушед Янко гнівац, та гвари: Жено моя, я надумал, да ми зарежеме кожче, як би ти поведла. Зарежеме знаце, оздаль го не даме за 100 динари. И зарезали кожче, та мяса було довольньо, од соботи вечера, до пондзелку рана, едло ше дзень а ноц. Але други дзєн, кед коза видзела, же нет кожчеца, ещи баржей почала бечиц, а бурї нет, да конар одламе зоз багрени за козу. Кед учул мой сушед, же бечи, почне: Знаш козо, цихо будз, бо це влапим та обешим на

краварску студню, та небудзеш бечиц, а и краварова ше будзе лехчейше вода цагац. Жена му гвари: Та не секирайце ше тельо, але ю предайце, та не будзе бечиц. Я ю не предам, але забиєм, най ше зос ніхто не трапи. Янко и Мелана пошли заш до сушедох на бешеду, а Ганьча ей дала кус желеняви.

Як цо человек сце есц кажди дзєнь, так и животиня, та и сушедова коза. Други дзєн заш огладлєла и почала бечиц. И заш Янко гвари. — Мелано подой ю най не бечи, бо я бизовно ю забиєм. — Та ша цо ю будзем, доїц, кед нема млека, пре тоти два деци не будзем гвари жена. Начши сцела, да ю купиме, кед не сцєш доїц? Ша я думала, же коза ма справди, 8 литри млека, як гу-

ВШЕЛІЯЧИНА

ПОКУРЕЛ СТО ЦИГАРЕТИ

У едним саксонским месточку Либиштано, ставел ше апатикарски практикант, же за 2 години покури 100 цигарети. Вон найсце покурел, але за пол години умар.

МУЖ И ЖЕНА КОТРИ НЕ БЕШЕДОВАЛИ 4 РОКИ

У Цариграду ожєнел ше еден Англїєц зос єдну Арменку, але іїєдно не знало язык другого своего товарища и так през полни штири роки мушєли буц цихо и не могли ше порозумиц.

БЛИХИ НА УКРАЇНИ

Коло варошу Проскурову по ближніх валалох зявели ше блихи у таким вельким множєству, же людзе як и статок нема миру. Житєлє напуцую свойо хижки и сєля ше на польо. Влада почала енергичну борбу, але шицки средства газы и працки не помогли.

ЯКА БУДЗЕ ТОГОРОЧНА ЖИМА

Немецки професоре виявлюю, же у мешацу децембру и январу будзе нове трєшенє жеми и бурї у даєдних країох

ПУТОВАНЄ НА КРИЛАТИЦОХ

У Европи уж пришли до прєшведчєня, же путованє на крилатицох менєй опасно як на желєзницох. Бо асигураційни дружтва меньшу таксу беру, кед ше асигурира даяка ствар, котра ше превозує зос крилатицу як на желєзници. На 50% менєй нещєсца ше трафи як на желєзници. За особи ше тельо плаци кельо кошта перша класа швидкого возу.

НОВИ СПОСОБ ЧИТАНЯ СТРАЇЦОХ

У Англиї започали писац нумери на кнїжкових бокох од задку гу предку. Бо гваря, же кед человек кнїжку чита, тєли

торєли. Одповєдла Мелана.

И коза заш бе-е-е-. Сушєд Янко скочи и гвари, — шалєни бул тот, хто перши кози принєс до держави, зграбе видли, та по ней аж було страшно патриц. — Ша майце розум, гвари му жена, ша озда... цихо буц бо дораз и тебе гуя, ведно зоз козу! Страшно козу побил, и цошол поновно до сушеда шєдзиц.

На други дзєнь рано, сегинь коза у вельких мукох од битки здохла.

Сушеда Мелана ю одарла, єдну часц мяса однєсла циганка, а другу закопали. Скору на пойдзє висушєли. Од того часу мир у обисцу, нет звади, а сушєд Янко гвари, — голєм ми тераз не бечи.

— Так закончєла живот Янкова коза.

Коцурєц.

ЧИТАЈЦЕ „РУСКИ НОВИНИ“!

вше патри на то, кельо му ище хибн до краю, а не, патри на то кельо уж прочитал.

ДРЕВО ЖИВОТА

До Берлину врацел ше зос Индиї немецки ученяк барон Гатер, котри гвари, же там пре-нашол древо живота. Указал му го княз краю Дешанури. Древо ма таки својсїя, кед елефант пое з нього лїсце теди ше помладзи. Барон гвари, же вон то видзел на својо очи, як ше стари елефант помладзел.

МУЗИКА И ЖИВОТИНІ

Доказано, же музика ма плив на животинї. Недавно властитель млекарнї у Меклембургу купел грамофон, котрого хаснуе, кед ше крави доя. Гваря, же крави теди мирно стоя и слушаю и вещей даю млека як немурни.

МАЦ 69 ДЗЕЦОМ

Тот рекорд досцигла една Рускиня, котра жила 1872. р. у едном валале при Москви, 16 раз мала двойнята, 7 раз тройнята, а 4 раз по штверо. Нїгда не мала лем едно. Кед вона умарла ей муж оженел ше по другираз и заш мал 18 дзецох. Так вон бул оцом 83 дзецом, од котрих лем 4 умарли.

АНГЛИЙСКИ КРАЛЬ ПРОЦИВ ШТРИГАНЯ ВЛАСОХ

Нешкайши Английски краль Юрий не любн, кед жени ноша подштригани власи и прето наказал, же шцки жени, котри заняти у його доме нешму штригац власи. А тотн цо уж оштригли муша на ново пуциц да рошню, инак страца службу.

СТАРИ ЛЮДЗЕ СТУПАЮ ДО СВЯЩЕНІЧЕСКОГО СТАНУ

У найновших часох вельо таких припадох, дзе стари людзе гледаю мир и покой своєї души и знаходза го лем у священіческом стану. Наводзїме ту даскельо таки приклады:

У Голандїи у месту Бестерл-роде славни начальник того места ступел до новицїату чина св. Венедикта у Афгхему.

Дюра Гролоп, котри представлял у театру, приступел з англиканскеї вири на католицки, ступел до чина одкупителя (Редemptористи) и тераз провади як сповидник братство католицких представљаюх у Енглескеї.

Ирски новинар Робинсон ступел до чина св. Франциска, бул професором на университету у Вашингтону у тераз го св. отец поставел за архієпископа у Сїаму.

Кинески посланец у Берну у Швайцарскеї, по мену Лу, прешол на католицку виру, и шцки својо високи визнаменованя придал св. отцови, а сам ступел до чина св. Венедикта у Лиєжу у Белгїи.

Михаїл Анареев, бивши руски царски дипломат, постал католик, ступел до семинариї и бул недавно у Инсбруку вишвенечени на священїка.

Людска душа Бога гледа и не будзе мирна, док ше не змири у Богу.

ШвЕТОЧНИ ОТПОЧИВОК

Недз. 24 по Сош.

ЛУК. ГЛ. 8. ЗАЧ. 39.

Во время оно приступи ко Исусу человекъ нѣкїй ему же имя Іаїръ, и той князь сонмищу бѣ: и падъ при ногу Исусову, моляше его внити въ домъ свой: Яко дщи єдинородна бѣ ему, яко лѣтъ двоюнадесяте, и та умираше. Егда же идяше, народи угнѣтаху его. И жена сущи въ точенїи крове од двоюнадесяте лѣту, яже врачомъ издавши все имѣнїе, не возможно ни от єдинаго исцѣлѣти. Приступлши созади, коснуся края ризъ его: и абїе ста токъ крове єя. И рече Исусъ: кто єсть коснувыйся мнѣ; отметающимся же всѣмъ, рече Петръ и иже съ нимъ: наставниче, народи одержатъ тя и гнетутъ, и глаголеши кто єсть коснувыйся мнѣ; Исусъ же рече: прикоснуся мнѣ нѣкто: азъ бо чухъ силу изшедшую изъ мене, Видѣвши же жена яко не утайся, трепущуци прїиде, и падши предъ нимъ, за нюже вину прикоснуся ему, повѣда ему предъ всѣми людми, и яко исцѣлѣ абїе: Онъ же рече ей: дерзай дщи, въра твоя спасе тя: иди въ миръ. Єще ему глаголющу, прїиде нѣкїй от архїсинагога, глаголя ему: яко умре дщи твоя, не движи учителя. Исусъ же слышв; отвѣща ему глаголя: не бойся, токмо вѣруй, и спасена будетъ. Пришедъ же въ домъ, не остави ниєдинаго внити, токмо Петра, и Йоана, и Якова и отца отроковицы, и матеръ. Плакахуся же вси и рыдаху єя, онъ же рече: не плачтєся: не умре бо но спитъ. И ругахуся ему, вѣдяще яко умре. Онъ же изгнавъ вонъ всѣхъ, и єм за руку єя, возгласи, глаголя: отроковице, востани. И возвратися духъ єя: и воскресє абїе, и повелѣ дати ей ясти. И дивистася родителя єя. Онъ же повелѣ има никомуже повѣдати бывшаго.

У днешней евангелиї патриме Исуса Христа, як на царя над царями, котри заповеда природи, а вона го слуша. Враца утрачени живот Яїровой дзивки, исцїлюв жену во теченїю крове, и цеци коло себе собраши народ. Йому ше кланя княз Яир, його провади и слуша

народ. Вшадзи, наступа як всемогущи цар, котри мал и ма вше вещей пристахох, як шцки царове того швета. Нїгда не бул таки цар. Як Исус котрого би телї милиони людзе любели, признавали, славели, як його. Вон вѣвстину побидил мир. Хоч ма противникох и одпадникох вельо, и так ма свою силу непобидиму войску святых, праведных, мученикох, дѣвицох. Не було такога шветского краля, котри би мал таке краљовство, ак Вон.

Тераз да видзїме, яку благодат приноши людзом Христос цар и його царство?!

Ісаїя пророк назвал Месию, Христа, князом Мира То му воистину праве мєно. Царове того швета добиваю својо славу мєна од войнох и побидох. Царове правля мир, але вше лем теди, кед прелєю вельо креви, а Христос створел мир так, же сам умар за спасєне швета.

Ісус, цар мироносєц и таки ше вше указує у евангелиї. Кед ше народзел за цара Аугуста бул по цалей жеми мир. При вертєну вифлеемским шпивали ангели:

„Слава во вишнихъ Богу, и на землїи мир. У першимъ казанїю на гори наказовал: „Блаженїи миротворци, яко ти синове божи нарекутєся. Кед отпуца грихи гришником, теди гутори „Иди во мирн. У своімъ тестаменту на Тайней вечери зохабя своім апостолом мир. Мир свой даю Вам. По своімъ славнимъ воскресєнїю привитує своїх апостолох вше зос словами! Мир вам! Христос дакле навистує през цали свої живот мир. А яки то мир, цо Христос дава каждому члену своєго царства?!

Мир Христов, то перше мир человека з Богом. З грихом стачул человек против Бога, а Христос зос своєю шмерцу помирил род человечески з Богом. Нинї о Христї Исусї ви, бивши иногда, далече, близ бистє кровию Христовою. Той бо вст мир наш. Прето зме од тераз приятєлє божи.

Мир Христов далєй то мир человека зос самим собу: мир души, мир шерца и мир совисти. Апостол Павло привитує Колошанох: „Мир Христов най влада у шерцох ваших“. Тот мир настанє у души теди, кед розум прошвицєни зос виру панує над целом и влада над його похотами. Го тото царство, о котрим гварел Христос: „Царствїє Божїє внутр вас єст! Го ше вола царство ласки. Кед тото царство у нас влада, теди душа наша мїрна. А нет на швєне векного щєсца од добрей совисти.

Мир Христов то мир человека з ближним, „И мир имїите между собио“, гварел Исус своім апостолом. (Мафт. 9. 50.) Да ше тот мир очува треба мац три чесноти у шерцу. Перша праведносц. Дайце и да ше вам! Правда и мир обლობизастася. Правда и мир ше бочкаю. Будз праведни, та будзеш мац мир. Причина мержнї обично є дакому зробєна не-

правда. Друга чеснота любов. Дзе любов пребива, там влада мир. Трєца напокон чеснота цо ю Христос дава до наших шерцох смиреносц. „Научитєся од мене, яко кроток єсм и смирен серцем.“ Мафт. II. 29 (Дзе тотн три чесноти пребиваю, там влада мир и щєсє, а то може нам дац лєм Христос, Цар душох наших.

Мих. Мудри.

Нашо претплатнїи

На 1927. рок уплацєли предплату слїдуюци п. п. Янко Джуджар Р. Керестур 50 д. Янко Орос Р. Керестур 100 д. Александер Планчак Р. Керестур 100 д. Михал Новта Р. Керестур 50 д. Дюра Сопка Р. Керестур 100 д. Михал Будински Р. Керестур 100 д. Никола Дорогхази Дюрдьов 50 д. Янко Кираљ Дюрдьов 50 д. Дюра Копчански Дюрдьов 50 д. Олга Радванї Дюрдьов 100 дин. Янко Сєгєди Дюрдьов 100 дин. Йоан Обровски Н. Сад 50 д. Душан Чижмар Р. Керестур 50 д. Янко Пашо Р. Керестур 60 д. Ана Чижмар-Бучко Р. Керестур 100 д. Осиф Будински Р. Керестур 50 д. Дюра Рац Р. Керестур 100 д. Дюра Рац Р. Керестур 25 д. Михал Джуня Р. Керестур 100 д. Михал Паплацко Р. Керестур 50 д. Дюра Салонтаї Р. Керестур 50 д. Янко Павлович Р. Керестур 100 д. Дюра Павлович Р. Керестур 50 д. Микола Рац, гостионичар Р. Керестур 50 д. Денчи Паланчаї Р. Керестур 100 д. Дюра Проувчи Р. Керестур 50 д. Дюра Микловш Р. Керестур 100 д. Денчи Планчак Р. Керестур 50 д. Михал Сивч Р. Керестур 100 д. Михал Сабадош Андрияшевци 100 динари. О Др. Д. Шаятович, Крижевци 50 дин.

Тарговина

Жито	192.— Д
Кукурица	185.— „
Хмель	5—6.000 „
Мука нулерова	435.— „
„ хлєбова	400.— „
Млеко литра	3—4.— „
Качки	35—60.— „
Гуски клоканя кг.	65—90.— „
Говєдзина	16—20.— „
Швиньске мєсо	20—22.— „
Цєлєчина	28—30.— „
Сланїна сушена	22—25.— „

Оглашуйце до „Руских Новинох“